



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De eadem re. cxxxvii.

**urn:nbn:de:hbz:466:1-10722**

fidelis est, videat ne falsa loquatur, aut cuiquā insidias ponat. Fidelis homo semper fideliter agit, & infidelis callide insidiatur, atque fideles & piē ac iustē viuētes perdere nititur, quia similis similem sibi quærerit. Infidelis verò homo, mortuus est in corpore viuēte. Econtra sermones fidelis hominis, vitam custodiūt auditorum. Doctorē enim catholicum, & præcipue domini sacerdotem, sicut nullo errore implicari, ita nulla oportet machinatione aut cupiditate violari, dicente scriptura sancta: Post concupiscentias tuas non eas, & à voluntate tua auerteris.

*Episcopos à suis ouibus non reprehendendos, nisi in fide errauerint.* Cap. CX, XXVI.

**D**octor autem vel pastor Ecclesiæ, si à fidelibus exorbitauerit, erit à fidelibus corrigendus. Sed pro reprobus moribus magis est tolerādus, quam distrigendus, quia rectores Ecclesiæ à domino sunt iudicandi, sicut ait Propheta: Deus stetit in synagoga deorum, in medio autem deos discernit. Vnde oportet vnumquēque fidelē, si videbit aut cognoverit plebes suas aduersus pastorem suum tumescere, aut clerū detractionibus vacare, hoc vitium pro viribus extirpare, prudenterque corrigere satagat: nec eis in quibuscunque negociis misceri, si incorrigibiles appa ruerint, antequam suo reconcilientur doctori, presumat: quoniam tam sacerdotes, quam reliqui fideles omnes summa debent habere curam de his qui pereunt, quatenus eorum redargutione, aut corrigātur à peccatis. aut, si incorrigibiles apparuerint, ab Ecclesia separentur.

*De eadem re.* Cap. CX, XXVII.

**I**psi autem episcopi si exorbitauerint, ab ipsis, non sunt reprehendi, vel arguendi, sed portandi, nisi in fide errauerint. Hi ergo super hos sunt, non illi super istos: quoniam maior à minore non argui, nec iudicari potest. Nullus se extollat erga doctores ac magistros suos: quia discipulus super magistrū nec esse debet, nec potest. Nullus velit dici sanctus antequam sit, sed prius sit, ut verius dicatur. Præcepta domini, doctorumque ac magistrorum factis quotidie adimplere, & in Christi nomine pro inimicis orare oportet.

D iiij